



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr. 1975, datë 31.05.2012

Për

“Miratimin e Ofertës Referencë të Aksesit në Rrjetin Lokal (RUO) të Albetelecom sh.a”

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Anëtar
4. Z. Benon	Paloka	Anëtar
5. Znj. Zamira	Nurçe	Anëtar

dhe sekretare Znj.Marsida Drushku, në mbledhjen e datës 31.05.2012, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike” dhe Rregullores së Brendshme të AKEP-it, shqyrtoi çështjen me objekt:

Miratimin e Ofertës Referencë të Aksesit në Rrjetin Lokal (RUO) të Albetelecom sh.a

BAZA LIGJORE:

1. Neni 8 dhe pikat 3 dhe 5 të nenit 52 të ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë” (*ligji nr. 9918*);
2. Pika 17 e nenit 21 të “Rregullores së Brendshme të AKEP (*Rregullorja e Brendshme*), miratuar me Vendim të Këshillit Drejtues të ERT-së, Nr. 170, datë 24.04. 2004, e ndryshuar dhe në fuqi sipas pikës 3 të nenit 138 të ligjit nr. 9918.
3. Rregullorja Nr.19 datë 14.06.2010 për “ Aksesin dhe Interkoneksionin”, miratuar me Vendim të Këshillit Drejtues të AKEP Nr.1300, datë 14.06.2010, i ndryshuar (*Rregullorja e Akses/Interkoneksionit*).
4. Vendimi i Këshillit Drejtues të AKEP, **Nr. 1565, datë 13.04. 2011, për “Percaktimin e sipërmarresit Albtelcom sh.a me Fuqi të Ndjeshme në Treg dhe vendosjen e masave**

rregulluese ne tregjet me shumice te aksesit broadband (bitstream) dhe aksesit ne infrastrukturen fizike (LLU)”

K Ë SHILLI D R E J T U E S:

Nga shqyrtimi i materialit shkresor, të përbërë nga:

1. Shkresa e Albtelecom me nr.4904 prot., datë 28.10.2011 (Nr.1682 Prot., datë 31.10.2011)m nëpërmjet së cilës Albtelecom ka depozituar në AKEP Oferten Reference te Aksesit per qarkun local (LLU).
2. Shkresa e Albtelecom me nr.4904/1 prot., datë 14.11.2011, ku Albtelecom ka depozituar nje shtese te RUO qe permban Listën e cmimeve për shërbimet e aksesit të ofruara sipas RUO se depozituar me pare.
3. Shkresa e Albtelecom me nr.562/1 datë 2.03.2012, nëpërmjet së cilës Albtelecom në përgjigje të kërkesës së AKEP me shkresën nr.215 Prot datë 01.02.2012 ka dërguar informacion shtesë dhe plotësime për RUO si informacionin për cmimet në Lek dhe SLA;
4. Shkresa e Albtelecom me Prot.nr.562/2, datë 15.05.2012 ka dërguar informacion shtesë dhe plotësime për RUO: Manuali i Proceseve ndërmjet operatorëve për bashkvendosje fizike dhe shërbimet e tjera të LLU;
5. Shkresa e Vodafone Albania me LGD/0454/A.C datë 23.12.2011, nëpërmjet së cilës Vodafone Albania ka depozituar në AKEP komente për Ofertën Referencë të Aksesit në qarkun lokal të Albtelecom.
6. Projektvendim i KD të AKEP “Për Miratimi i Ofertës Referencë të aksesit në rrjetin lokal (RUO) të Albtelecom sh.a”.
7. Relacioni shpjegues mbi projektvendimin (**Relacioni**), si dhe,
8. Nga diskutimet në mbledhje mbi çështjen, dhe bazës ligjore të sipërcituar.

V Ë R E N:

1. Bazuar në VKD Nr. 1565, datë 13.04.2011, per “Percaktimin e sipërmarresit Albtelecom sh.a me Fuqi te Ndjeshme ne Treg dhe vendosjen e masave rregulluese ne tregjet me shumice te aksesit broadband (bitstream) dhe aksesit ne infrastrukturen fizike (LLU)”, Albtelecom më 28.10.2011 ka depozituar në AKEP ofertën referencë për rrjetin e hapur lokal.
2. Pas depozitimit të RUO nga Albtelecom, ky dokument i përgatitur nga Albtelecom, u publikua në faqen e Internetit të AKEP për konsultim me palët e interesuara më 20.11.2011-20.12.2011.
3. Njekohesisht me date 15.12.2011, AKEP zhvilloi nje takim me operatorët kryesore alternative dhe celulare. Ne takim Albtelecom prezantoi pikat kryesore te RUO, ndersa palet e tjera dhanë disa komente paraprake për dokumnetin dhe procesin.
4. Në përfundim të procesit të konsultimit me palët e interesuara, në AKEP kanë ardhur komente vetëm nga Vodafone Albania (me shkresën Ref: LGD/0454/A.C datë 23.12.2011).

5. Vodafone Albania në komentet për RUO e përgatitur nga Albtelecom të publikuar në faqen e Internetit të AKEP për konsultim me palët e interesuara më 20.11.2011-20.12.2011, është shprehur midis të tjerave se RUO e përgatitur nga Albtelecom ka mosppërputhje të mëdha me VKD nr.1565 datë 13.04.2011 dhe kuadrin rregullator dhe ligjor, pasi:
- a. RUO nuk përmban Marrëveshjen e Nivelit të Shërbimit (SLA);
 - b. Mungon tërësisht informacioni për qarkun lokal të Albtelecom, duke kërkuar që një informacion i tillë të publikohet nga Albtelecom dhe ky i fundit të përcaktojë modalitetet e këtij botimi;
 - c. Inkosistencë në terminologji për termat Marrëveshje aksesit dhe marrëveshje lejimi si dhe akses i plotë dhe akses i përbashkët;
 - d. Tarifat e propozuara nga Albtelecom:
 - i. janë tërësisht në shkelje me VKD nr.1565 datë 13.04.2011;
 - ii. përmbajnë shumë tarifa që nuk janë pjesë e vendimit të AKEP, raporteve të Cullen International dhe KE, të cilat nuk duhet të jenë pjesë e RUO, të tilla si: tarifa për bashkevendosje, kërkim informacioni etj.
 - iii. janë të gjitha të shprehura në Euro dhe jo në LEK;
 - e. Draft RUO nuk përmban informacionin e kërkuar nga neni 52 i ligjit 9918 si:
 - i. pikat e aksesit në MDF dhe kabinetet e rruges;
 - ii. kushtet teknike për përdorimin e linjave të aksesit;
 - iii. procedurat për porositjen, dënimin dhe kufizimin e përdorimit;
 - iv. informacion për vendet dhe opsionet e bashkëvendosjes, rregullat për alokimin e hapësirave;
 - v.
 - f. Draft RUO nuk përmban informacionin e kërkuar nga Rregullorja e aksesit/interkoneksionit si:
 - i. Informacionin sipas nenit 7 të Rregullores mbi rrjetin që duhet të jepet pas kërkesës për akses se operatorit përfitues ose me kërkesë specifike të tij;
 - ii. Detyrimin për ofrimin e bashkëvendosjes fizike në të njëjtat ambiente me elementët e rrjetit (pra përjashtohet mundësia e bashkëvendosjes në puseta);
 - iii. Detyrimi për aplikim pagese për bashkëvendosje fizike vetëm në rastet e pikës 4/b të nenit 8 të rregullores dhe jo në rastet e tjera (draft RUO ka një listë të gjatë pagesash për bashkëvendosje);
 - iv. Detyrimin e nenit 11/q për parashikim për procedura për zgjidhje mosmarrëveshje dhe garancinë për përfshirjen e AKEP në rast dështimi të tyre;
 - g. Përcaktimet e draft RUO për vlerësimin e kredive dhe menaxhimin e riskut janë arbitratre dhe duhen rishikuar tërësisht;
 - h. Draft RUO nuk përmban aksesin me shumicë broadband bitstream;
6. AKEP me shkresën nr.215 Prot datë 01.02.2012 i ka kërkuar Albtelecom që të plotësojë dokumentacionin e RUO, duke depozituar në AKEP midis të tjerave:

- a. Aneksin e tarifave të shërbimeve duke shprehur çmimet në monedhën Lek dhe të provojë që tarifat e propozura janë rrjedhojë e kostos efikente, duke mundësuar një normë fitimi të arsyeshme;
 - b. Marrëveshjen për Nivelin e Shërbimit për shërbimet e LLU dhe treguesit KPI (Key Performance Indicators);
 - c. Manualin e proceseve ndërmjet operatorëve për Bashkëvendosjen fizike dhe shërbimete tjera të LLU;
 - d. Plotësimin e skedarëve të shërbimeve 102-104 me shtojcat përkatëse të cilat mungojnë;
 - e. Plotësime në shërbimin 101 për:
 - i. parashikimin për opsionet e bashkëvendosjes në distancë dhe virtuale, përveç bashkëvendosjes fizike;
 - ii. procedurat (rregullat) e alokimit të bashkëvendosjes kur hapësirat e bashkëvendosjes janë të kufizuara;
 - f. Informacion për vendet përkatëse ku ofrohet bashkëvendosje si dhe përshkrim i llojit të informacionit për shërbimet e LLU që do i jepet operatorit përfitues në faza të ndryshme: me kërkesë të operatorit përfitues, gjatë negocimit dhe pas nënshkrimit të marrëveshjes.
7. Në përgjigje të kërkesës së AKEP me shkresën nr.215 Prot datë 01.02.2012, Albtelecom me shkresën Prot.nr.562/1 datë 2.03.2012, ka dërguar informacion shtesa dhe plotësime për RUO si:
- a. Aneksin e tarifave të shërbimeve të përditësuara me tarifat të shprehura në monedhën Lek, si dhe informacionin për të justifikuar cmimet e propozuara në RUO (shiko më poshtë);
 - b. Aneksin E të RUO-s së Albtelecom “*Marrëveshja e Nivelit të Shërbimeve ndërmjet operatorëve (SLA)*”
 - c. Lidhur me shtojcat e skedarëve të shërbimeve 102 dhe 104, Albtelecom ka dërguar materialin shtesë lidhur me parametrat e MDF-së dhe NTU-së.

Albtelecom nëpërmjet shkresës kërkon mirëkuptimin e AKEP për të depozituar në ditët në vijim edhe Manualin e Proceseve ndërmjet operatorëve për bashkëvendosjen fizike dhe shërbimet e tjera LLU apo edhe informacione të tjera në funksion të kërkesave të AKEP. Albtelecom me shkresën me shkresën Prot.nr.562/2, datë 15.05.2012 ka dërguar informacion shtesë dhe plotësime për RUO:

- d. Manuali i Proceseve ndërmjet operatorëve për bashkëvendosje fizike dhe shërbimet e tjera të LLU
8. Në lidhje me justifikimin e cmimeve të propozuar në RUO, Albtelecom është shprehur midis të tjerave:
- a. megjithëse Albtelecom i është nënshtruar procesit të vlerësimit të kostove të shërbimeve të tij nga ana e Kompanisë konsultuese e AKEP PËC përgjatë një periudhe më shumë se dy vjecare, ende Albtelecom është në mungesë të

informacionit mbi rezultatet përfundimtare të kostove për shërbimet e tij. Kështu, sic ju kemi bërë me dije edhe në shkresën nr. 4904 dt. 28.10.2011 dhe nr. 4904/1 dt. 04.11.2011, Albtelecom i është referuar praktikave dhe eksperiencave më të mira europiane në ofrimin e shërbimeve të aksesit LLU dhe në përputhje me Ligjin nr. 9918 *"Për Komunikimet Elektronike në Republikën e Shqipërisë"*, Albtelecom i është referuar këtyre praktikave edhe në kategorizimin e pagesave si dhe në nivelin e tarifave.

- b. Kështu Albtelecom në vendosjen e këtyre tarifave ka analizuar dhe i është referuar vëndeve të Rajonit, vëndeve të Evropës qendrore dhe lindore si dhe vëndeve të Evropës perëndimore. Për shkak të larmishmërisë së kategorive të pagesave që shkaktohen në rastin e ofrimit të shërbimeve të aksesit, Albtelecom ka zgjedhur të marrë si shembull për krahasim tarifën e instalimit për aksesin e plotë dhe aksesin e përbashkët, si një nga kategoritë e shërbimeve ku Albtelecom i shkaktohen më shumë kosto. Më poshtë gjeni tabelat krahasimore¹:

A) Krahasim me vëndet e Rajonit:

	Propozuar nga Albtelecom	Bosnja	Mali i Zi	Serbia	Vendimi i AKEP
Tarifa e instalimit për Aksesin i plotë	45 Euro	46 euro	41 Euro	38 Euro	12.2 Euro
Tarifa e instalimit për Aksesin i përbashkët	45 Euro	55.22 Euro	61.11 Euro	38.2 Euro	17.7 Euro

B) Krahasim me vëndet e Evropës qendrore dhe lindore

	Propozuar nga Albtelecom	Qipro	Republika Ceke	Estonia	Letonia	Malta	Vendimi i AKEP
Tarifa e instalimit për Aksesin i plotë	45 Euro	45.07 Euro	47.19 Euro	57.39 Euro	49.15 Euro	58.89 Euro	12.2 Euro
Tarifa e instalimit për Aksesin i përbashkët	45 Euro	35.71 euro	40.43 euro	100.02	49.15	41.95	17.7 Euro

C) Krahasim me vëndet e Evropës perëndimore

¹ Cullen international cross country analysis

	Propozuar nga Altelecom	Angli (Mbretëri e Bashkuar)	Suedia	Portugalia	Norvegjia	Francia	Finland	Luksemburgu	Vendimi i AKEP
Tarifa e instalimit për Aksesin plotë	45 Euro	45.34 Euro	48.11 Euro	69.83 Euro	134.94 Euro	50 Euro	108 Euro	58.79 Euro	12.2 Euro
Tarifa e instalimit për Aksesin përbashkët	45 Euro	45.34 Euro	48.11 Euro	38 Euro	71.05 Euro	60 Euro	74 Euro	81.16 Euro	17.7 Euro

Kështu, sic mund të vërehet, tarifat e propozuara nga Altelecom janë krejtësisht në linjë me tarifat e vëndeve të Evropës dhe madje janë në nivelin minimal në kuptim krahasimor, ndërkohë që është qartësisht e evidentueshme se tarifat e vendosura me Vendimin e AKEP nr. 1565 dt. 13.04.2011 kanë një diferencë të konsiderueshme më të vogël se qoftë edhe mesatarja e këtyre vëndeve.

- c. Gjithashtu, Altelecom sqaron se në përcaktimin e këtyre tarifave ka marrë në konsideratë edhe faktorë të tjerë që ndikojnë në koston e këtyre tarifave dhe që lidhen me:
 - i. Deficitin e aksesit. Tarifat e përcaktuara me Vendimin e AKEP nr. 1565 dt. 13.04.2011 nuk mjaftojnë as për të mbuluar deficitin që krijohet aktualisht nga mungesa e balancimit të tarifave dhe për më tepër nuk mjaftojnë as për të marrë qoftë edhe një kompensim minimal për vazhdimsinë e ofrimit të pajtimit mujor nga Altelecom ndër vite nën kosto, fakt ky i cituar nga vetë AKEP në dokumente rregullatorë të ndryshëm. Kështu, tarifa e pajtimit mujor për aksesin e plotë në shërbimet LLU është përcaktuar nga AKEP 801 lek, ndërkohë që vetëm nga rezultatet paraprake të vlerësimit të kostove të Altelecom rezulton se kosto për pajtimin mujor është rreth 1000 lek. Pra, jo veëm që kjo diferencë është në kundërshtim me parimet esenciale të ofrimit të një shërbimi, pra të shesësh më lirë se kostoja e ofrimit të një shërbimi por është edhe në kundërshtim me parimet e Ligjit sipas të cilave operatorit duhet t'i mundësohet një normë e arsyeshme fitimi.
 - ii. Vjedhjet e vazhdueshme. Altelecom është shpesh pre e sjelljeve vandaliste ku dëmtohen linjat e kabllit si dhe vjedhjeve në masë të linjave, madje edhe të atyre të sapo ndërtuara, duke mos marrë asnjë kompensim për to por ndërkohë duke siguruar menjëherë zëvendësimin e tyre dhe sigurimin e vazhdimsisë së ofrimit të shërbimeve. Kështu vetëm gjatë vitit 2011, Altelecom ka shpenzuar rreth 500.000 Euro për zëvendësimin e


materialeve të vjedhura dhe gjithashtu kontraktori ka shpenzuar rreth 240.000 USD.

- iii. Infrastruktura e vjetëruar dhe kostot për mirëmbajtjen e tij, distancat e gjata që kanë disa linja për shkak të zgjerimit të qyteteve të mëdha drejt zonave urbane dhe distancat që krijohen me pikat më të afërta të lidhjes, si dhe terreni i thyer i territorit të Shqipërisë janë të gjithë faktorë të tjerë të cilët kanë efekt të drejtpërdrejtë në koston e instalimit dhe mirëmbajtjes së një linje bakri për të mundësuar ofrimin e shërbimeve të aksesit LLU.

9. Pas shqyrtimit të dokumentacionit të depozituar nga Albtelecom për RUO, informacionit shpjegues për tarifën, komenteve të Vodafone dhe komenteve në takimin e organizuar më 15.12.2011 AKEP gjykon se:

- a. Në lidhje me komentet e Albtelecom për tarifën e vendosura me VKD nr.1565, datë 13.04.2011, komentet dhe ankimi i Albtelecom janë shqyrtuar dhe trajtuar nga AKEP me VKD Nr.1620, datë 22.06.2011. këto tarifa janë rezultatet e modelit BULRAIC të publikuara për konsultim publik më 10.05.2010.
- b. Për sa i përket krahasimit të tarifave që ka bërë Albtelecom ky krahasim nuk është i plotë pasi së pari ka përfshirë vetëm tarifën e Instalimit dhe nuk ka përfshirë tarifën e tjera si pagesa mujore për LLU, dhe në krahasimin e tarifave të instalimit me vendet e rajonit janë përfshirë vetëm disa prej vendeve të rajonit dhe nuk janë përfshirë pikërisht vendet që kanë tarifa instalimi të krahasueshme apo më të ulëta se ato të përcaktuara nga AKEP.

Tarifat e instalimit për LLU në vendet e rajonit



Burimi: Cullen International Report 1, November 2011

Tarifat e pagesave mujore për LLU në vendet e rajonit




Figure S.10 - Monthly rental prices for fully unbundled loop and shared access, June 2011

Burimi: Cullen International Report 1., November 2011

10. Albtelecom në përgjigjen për tarifat e propozura në RUO ka dhënë referenca dhe krahasime me vende të tjera por nuk ka bërë justifikim në kosto të tarifave të propozuara, dhe sipas përcaktimit të pikës 3 të nenit 59 të ligjit 9918, atëherë tarifat e propozuara nga Albtelecom konsiderohen nga AKEP si jo të orientuara në kosto.
11. Në bazë gërmave “a”, “b” dhe “c, pika 2 e nenit 57 të Ligjit 9918, AKEP ka të drejtë që në regullimin e tarifave të vlerësojë (midis të tjerave) edhe të dhënat më të fundit për:
 - a. praktikën më të mirë të vendeve të BE-së;
 - b. tarifat mesatare të vendeve të BE-së;
 - c. tarifat e vendeve të rajonit me zhvillim të ngjashëm me Republikën e Shqipërisë.
12. Në lidhje me komentet e Vodafone Albania për versionin e RUO të publikuar nga AKEP në Dhjetor 2011, AKEP ve re se disa prej kërkesave të Vodafone janë plotësuar nga Albtelecom me dokumentacionin shtesë të depozituar nga Albtelecom me 2.03.2012 hde 15.05.2012, pas kërkesës së AKEP si Marrvëshja e Nivelit të Sherbimit (SLA) , tarifat e shprehura në Lek. Një sërë kërkesash të tjera të Vodafone janë adresuar nga AKEP (shiko më poshtë):
13. Gjatë procesit të kontrollit të ofertës reference të Albtelecom për aksesin e hapur në qarkun lokal (RUO), sipas pikës 3 të nenit 52 të ligjit nr. 9918, AKEP ka vënë re se oferta referencë nuk i plotëson të gjitha kërkesat që lidhen me kushtet e veçanta, për ndershmërinë, transparencën, mosdiskriminimin, arsyeshmërinë dhe grafikun kohor të ofrimit të shërbimeve të interkoneksionit sipas detyrimeve të ligjit 9918, rregullores së akses/interkoneksionit, Vendimit nr.1565, datë 13.04.2011, si dhe kushteve të tregut, midis të tjerave në elementë të tillë si:
 - a. Arsyeshmërinë për afatin kohor të vlefshmërisë së marrvëshjeve të interkoneksionit dhe procedurave për rinovimin e tyre;

- b. Vendosijen e cmimeve të shërbimeve të përfshira në ofertën referencë të tilla si:
- Cmime të ndryshme nga tarifat e përcaktuara nga AKEP për shërbimet e aksesit të plotë dhe të përbashkët (tarifa mujore dhe instalimit) në VKD 1565 date 13.04.2011;
 - Tarifa për bashkëvendosje që kanë diferencë të mëdha me tarifat aktuale të bashkëvendosjes dhe ato të modelit BULRAIC në versionin e publikuar më 11.05.2010;
 - Tarifa për shërbime të cilat janë shumë të larta se niveli mesatar në vendet e rajonit me zhvillim të ngjashëm me Shqipërinë.
- c. Afatet kohore për ofrimin e shërbimeve të interkoneksionit dhe masa apo penalitetet për mos-realizimin e tyre etj;
14. AKEP, bazuar në pikën 3 të nenit 52, ka të drejtë të imponojë ndryshime në ofertën referencë në rast se ajo nuk plotëson kriteret e referuara në këtë nen të ligjit.
15. Për sa më sipër AKEP ka bërë një sërë ndryshimesh në RUO:
- Në lidhje me tarifat e propozuara nga Albtelecom:
 - Për tarifat mujore dhe të instalimit të LLU (akses i plotë dhe i përbashkët, në qarkun dhe nën-qarkun lokal) të vendosë tarifat e miratuara me VKD nr. 1565 date 13.04.2011;
 - Për tarifat e qerasë për bashkëvendosjen fizike për m² të aplikojë tarifat e përcaktuara nga modeli BULRAIC, duke thjeshtuar dhe mospranuar propozimin e Albtelecom;
 - Për tarifat e shërbimeve të njëjta apo të ngjashme me shërbimet e RIO të aplikojë tarifat RIO edhe për RUO (si shoqërimi i stafit të operatorit përfitues, konsumi i energjisë elektrike);
 - Për një sërë tarifash të tjera AKEP ka marrë informacion nga RUO e operatorëve incumbent në Maqedoni dhe Mal të Zi dhe ka përcaktuar tarifat e aplikueshme nga Ablecom sipas tabelës së mëposhtme:

		Macedonia		Mali I Zi		Albtelecom Propozimi	Mesatare	AKEP
Ref.	Pershkrimi i shërbimit/tarifes	Dinar	LEK ²	Euro	LEK ³	(LEK)	(LEK)	(LEK)
1.1	Pagesa minimale për linjë LLU: Testimi i linjes për interferencë të mundshme të demshme me linjë të tjera lokale	824	1,879	15	2100	5871	1,989	2,000
1.2	Testimi i linjes lokale për të matur gjatësinë, rezistencën DC nivelin e zhurmave dhe sinjalit.	1855	4,229	35	4900	4498	4,565	4,500
1.3	Informacion paraprak për bashkëvendosje (për çdo vend)	3425	7,809			44282	26,046	25,000
1.4	Informacion/kqyrje të detajuara për bashkëvendosje (për çdo vend)	10360	23,621			79512	51,566	50,000
2.3	Blloku i MDF-strica (për 100 palë, përfshirë kabllot)	5568	12,695			33648	23,172	20,000

² 1 Dinar=2.28 LEK

³ 1 Euro=140 LEK

- b. Ne lidhje me tekstin e RUO, AKEP ka bere disa ndryshime qe kane lidhje me arsyeshmerine dhe kerkesta e tregut. AKEP ka perfshire edhe listen e vendeve te bashkvendosjes fizike ne centralet lokale te Albtelecom si dhe mundesine per bashkevndojte te llojeve te tjera.
16. Albtelecom nëprnjet disa shkresave ka njoftuar AKEP se është në porces të migrimit të rrjetit drejt NGN dhe NGA. Duke qënë se kjo do kete impakt të rëndësishëm në LLU (aksesi nw centrale lokale nuk do jete i diponueshw), AKEP konsideron të nevojshme që Albtelecom brenda 6 muajve nga data e hyrjes në fuqi të këtij vendimi të depozitojë në AKEP dhe të publikojë ne faqen e tij të Internetit, Ofertën Referencë të Aksesit me Shumicë Broadband (bitstream), duke:
- i. respektuar detyrimet e përcaktuara në VKD nr. 1565 datë 13.04.2011 për llojet e aksesit Bitstream;
 - ii. parashikuar zgjidhje për ofrimin e shërbimeve bitstream për linjat e bakrit që do të migrojnë në rrjetin NGA.
17. Ne lidhje me planin e menaxhimit te frekuencave të kabllit dhe nëse nevojitet edhe të linjës dypërcjellëse të bakrit (in-cable and in-pair spectral management), AKEP gjykon ti kerkoje Albtelecom ta depozitoje ne AKEP brenda 3 muajve nga data e hyrjes në fuqi të këtij vendimi dhe me pas ta konsultojte me palet e interesuara para miratimit nga AKEP. Përgatitja e këtij dokumenti në një fazë të mëvonshme nga miratimi dhe hyrja në fuqi e RUO nuk duhet të përbëjë pengesë për ofrimin efektiv të shërbimeve të RUO. Albtelecom në përgatitjen e këtij dokumenti duhet të marrë në konsideratë rekomandimet dhe standardet nderkombetare si ETSI, praktikat më të mira në vende të tjera si dhe mund të konsultohet me operatorët e interesuar për shërbimet e RUO.
18. RUO është një dokument kompleks dhe në Shqipëri po aplikohet për herë të parë. Në këto kushte AKEP e konsideron të rëndësishme bashkëpunimin e operatorëve me njëri tjetrin dhe me AKEP për përmirësimin e RUO në të ardhmen, sidomos duke marrë në konsideratë përvojën që do krijojnë operatorët në marrëdhëniet me Albtelecom për këto shërbime të reja.

P Ë R K Ë T O A R S Y E:

Duke marrë në konsideratë rëndësine e miratimit të këtij dokumenti për konkurrencën në treg, sipërmarrësin dhe realizimin e objektivave rregullatore, bazuar në pikën 1 të nenit 114, dhe pikën 1 të nenit 115 të ligjit nr. 9918, si dhe pika 17, neni 21 të Rregullores së Brendëshme te AKEP, e ndryshuar,

V E N D O S:

2. Të miratojë Ofertën Referencë të te Aksesit ne Rrjetin Lokal (RUO) te Albtelecom te pergatitur nga Albtelecom sh.a. duke imponuar ndryshime sipas dokumentit bashkengjitur këtij vendimi në Aneks nr.1.
3. Albtelecom sh.a. brenda 3 muajve nga data e hyrjes në fuqi të këtij vendimi të depozitojë në AKEP, Planin e Menaxhimi të Frekuencave të kabllit dhe linjës dypërcjellëse të bakrit;
4. Albtelecom sh.a. brenda datës 30 Shtator 2012 të depozitojë në AKEP dhe të publikojë ne faqen e tij të Internetit, Ofertën Referencë të Aksesit me Shumicë Broadband (bitstream), duke:
 - a. respektuar detyrimet e përcaktuara në VKD nr. 1565 datë 13.04.2011 për llojet e aksesit Bitstream;
 - b. parashikuar zgjidhje për ofrimin e shërbimeve bitstream për linjat e bakrit që do të migrojnë në rrjetin NGA.
5. Albtelecom sh.a. të publikojë ne faqen e tij të Internetit ofertën referencë të aksesit RUO të miratuar me këtë vendim, brenda një jave nga data e hyrjes në fuqi të këtij vendimi dhe të fillojë ofrminin e këtij shërbimi sipas përcaktimeve në këtë ofertë reference.
6. Ky vendim të publikohet në faqen e internetit www.akep.al.
7. Albtelecom sh.a dhe palët e interesuara kanë të drejtë të bëjnë ankim administrativ, për këtë vendim dhe ofertën referencë të aksesit në qarkun lokal (RUO), brenda 30 ditëve nga marrja e këtij vendimi.

Ky vendim hyn në fuqi në datën e miratimit të tij.

K R Y E T A R I

Piro XHIXHO

ANËTARË:

- 1. Alban KARAPICI**
- 2. Alketa MUKAVELATI**
- 3. Benon PALOKA**
- 4. Zamira NURÇE**

ANEKS 1:

OFERTA REFERENCË E AKSESIT NË QARKUN LOKAL RUO E ALBTELECOM SH.A.

PERMBAJTJA

1. PJESA E PERGJITHSHME
2. ANEKS A: PERKUFIZIMET
3. ANEKS B: FATURIMET DHE PAGESAT
4. ANEKS C: SKEDAT E SHËRBIMEVE
 - a. SKEDA E SHËRBIMIT 101
 - b. SKEDA E SHËRBIMIT 102
 - c. SKEDA E SHËRBIMIT 103
 - d. SKEDA E SHËRBIMIT 104
5. ANEKS D: LISTA E CMIMEVE PËR SHËRBIMET E AKSESIT LLU (*bashkangjitur file me vete*)
6. ANEKSI E –MARREVESHJA E NIVELIT TË SHËRBIMIT.
7. ANEKSI F - LISTA E PIKAVE TE AKSESIT NE RRJETIN ALBTELECOM KU OFROHET BASHKVENDODHJE FIZIKE
8. MANUALI I PROÇESEVE PËR SHËRBIMET E ALBTELECOM: SHËRBIMET E AKSESIT LLU (*bashkangjitur file me vete*)